

loisgidh sibh le teine: cha mhian-
naich thu 'n t-airgiod no 'n t-òr
a ta orra^a, ni mò ghabhas tu e
dhuit féin, an t-eagal gu'n rib-
ear thu leis: oir is graineileachd
e do'n Tighearna do Dhia,

26 Ni mò bheir thu grainea-
lachd do' thigh, an t-eagal
gu'm bi thu a'd' ni mallaichte
cosmhuil ris: ach bheir thu fuath
iomlan da, agus gabhaidh tu
grain deth gu tur, oir is ni mal-
laichte e.

C A I B. VIII.

NA h-aithcantan uile a tha
mi ag aithneadh dhuit an
diugh, bheir sibh an aire gu'n
dean sibh iad, a chum gu'm bi
sibh beo, agus gu'm fàs sibh
fionnhor, agus gu'n d'théid sibh
a figh, agus gu'n sealbhaich
sibh am fearann, a mhionnaich
an Tighearna d'ar n-aithrea-
chaibh.

2 Agus cuimhnichidh tu an
t-slighe sin uile air an do threò-
raich an Tighearna do Dhia thu
rè an dà fhichead bhliadhna so
anns an fhàsach, gu'd' irioslach-
adh, gu'd' dhearbhadh, a chum
gu'm biodh fios^b cìod a bh'ann
ad chridhe, an gleidheadh tu
aithcantan no nach gleidheadh.

3 Agus dh'irioslaich e thu,
agus thug e ort ocras fhulang,
agus bheathaich e thu le mana
(ni nach b'aithne dhuit féin, ni
mò a b'aithne do d'aithreachaibh
e) a chum gu'n d'thugadh e
ort fios a bhi agad nach ann
le h-aran a mhàin a bheathaich-
ear duine, ach leis gach focal a
thig a mach a beul an Tighear-
na bithidh duine beo.

4 Cha do chaitheadh t'eudach^c
dhìot le h-aois^c, ni mò a dh'at do
chos rè an dà fhichead bhliadh-
na-fa.

5 Bheir thu mar an ceudna
fa'near ann ad chridhe, mar a
smachdaicheas duine a mhac,
gur ann mar sin a tha 'n Tigh-
earna do Dhia 'gad smachd-
achadh-fa.

6 Uime sin gleidhidh tu aith-
cantan an Tighearna do Dhé,
a chum gu'n gluais thu 'na
shlighibh, agus gu'm bi eagal-
fan ort.

7 Oir tha 'n Tighearna do Dhia
'gad thabhairt gu fearann math,
fearann shruthan uisgeacha, tho-
braichean, agus dhoimhneachd-
an a tha 'g éirigh suas air feadh
ghleann agus air feadh bheann,

8 Fearann cruithneachd, a-
gus eorna, agus fhionaineán, a-
gus chraobhan figis, agus phoin-
granat^d, fearann ola na craoibh-
ola, agus meala,

9 Fearann anns an ith thu
aran gun ghòinne, cha bhi uir-
easbhuidh ni sam bith ort ann,
fearann aig am bheil a chlachan
'nan iarunn^e, agus as a bheann-
taibh cladhaichear umha.

10 Nuair a dh'itheas tu agus
a shàfuichear thu, 'an sin bean-
naichidh tu 'n Tighearna do
Dhia air son an fhearainn mhaith
a thug e dhuit.

11 Thoir an aire nach di-
chuimhnich thu 'n Tighearna do
Dhia, air chor as nach gleidh
thu aithcantan, agus a bhreithe-
nais, agus a reachdan, a tha mise
ag aithneadh dhuit an diugh:

12 Air-eagal an uair a dh'ith-
eas tu, agus a shàfuichear thu,

agus

^a anna.
fear ort.

^b a dheanamh aithnichte, a leigeadh ris.

^c cha d'fhàs t-eudach

^d ghran-abhal. ^e aig an t-àirngear iarunn a chlachaibh.